









Secunda ratio est, Quia S. Doctor intendit declarare, & exponere, quomodo scientia futurorum contingentium in Deo sit certa & infallibilis omnibus modis...

Qui plura cupit legat P. Thomam Lemos tract. de vero modo quo Deus futura contingentia cognoscit cap. 20. ubi enim plures & egregias adducit rationes...

Præterea alia ratione ad id motus fuit S. Thomas, que & talis est: Scientia Dei a seipsa, & ex sibi propriis, habet mensuram æternitatem tamquam propria mensura...

Denum potissima ratio ob quam S. Thomas agens de cognitione divina circa contingentia futura, semper ad coexistentialitatem futurorum in æternitate recurrit...

Ad objectionem respondeo, distinguendo Antecedens: In determinatione causæ remotæ & universalis, effectus non potest certo cognosci quando causa remotæ & universalis est impeditibilis a proxima...

Ad confirmationem, concessâ Majori, neganda est Minor: ad cuius probationem, dicendum est, D. Thomam in eo loco, neque excludere divinum decretum...

Observandum est, quod licet physica prædeterminatio sit necessaria in causis tam naturalibus, quam liberis ad operandum, non tamen eodem modo in causis enim naturalibus, requiritur solum, ut eas determinet ad rationem individualem suam operationum...

§. VI.

Solvuntur objectiones.

Obijcies secundo: In causâ remotâ & universalî, non potest certo & infallibiliter cognosci effectus, ut patet in motu Solis, non potest certo cognosci generatio plantarum...

Hoc argumentum confirmari potest egregio D. Thomæ testimonio, desumpto ex 1. sent. dist. 28. q. 1. art. 5. ubi sic dicitur: Quandoquocumque sunt causæ multæ ordinatæ, effectus ultimus non sequitur causam primam...

Ad objectionem respondeo, distinguendo Antecedens: In determinatione causæ remotæ & universalis, effectus non potest certo cognosci quando causa remotæ & universalis est impeditibilis a proxima...

Ad exemplum quod adducitur de Sole, dicendum est duplex esse notabile discrimen inter concursum Dei, qui est prima

prima & universalissima causâ, & concursum Solis, & aliarum causarum secundarum universalium. In primis enim, cum concursus Solis, & aliorum corporum caelestium, sit virtus & efficacia finitæ & limitatæ, impediiri potest ex defectu & imperfectione causæ proximæ...

Secundum discrimen quod inter concursum Dei, & causarum secundarum universalium reperitur, consistit in eo quod causæ secundæ universales per se primo attingunt in suis effectibus, rationes communes aut genericas...

Ad auctoritatem vero D. Thomæ in confirmatione adductam, dicendum est, quod S. Doctor loco citato, solum intendit docere, quod infallibilitas divinæ præscientiæ, non præjudicat libertati & contingentiæ rerum...

Obijcies tertio: Si scientia Dei respectu futurorum absolutorum sit fundata in decreto, sequitur scientiam visionis in Deo, differre a virtualiter, a scientia pure possibilium: Consequens est falsum, & contra communem Theologorum sententiam...

Respondeo decretum liberum non esse motivum, seu medium, in quo Deus cognoscit futura: per modum rationis formalis, sed solum per modum applicationis omnipotentis, in qua, ut per decretum applicatâ, cognoscuntur

futura; ingrediente omnipotentia ut ratione formalis obiectiva, & decreto ut conditione applicante. Cum enim referentia creaturarum in Deo, super continentem illarum fundetur: decretum autem non fit ratio continendi Deum illas præcontinere, consequens est ut decretum, nec sit, nec esse possit ex parte obiecti, ratio formalis referendi illas. Juxta quam doctrinam, facili est responsum ad argumentum...

§. VII.

Diluitur aliud argumentum ex lesione libertatis.

Obijcies ultimo: Si præscientia Dei respectu futurorum absolutorum, sit fundata in decreto efficaci & absoluto, non poterit ejus infallibilitas conciliari cum libertate, & contingentiæ rerum. Vel enim causæ liberæ possunt resistere tali decreto, & motioni, vel non? Si primum, divina præscientia poterit falli, quia oppositum ejus quod Deus præcavit, poterit evenire...

Respondeo primo, Illud argumentum posse facile retorqueri in Adversarios; cum enim divinum decretum sit non solum prima causâ determinatæ futuritionis in rebus, sed etiam primum principium, primaque veluti radix totius libertatis creatæ, & participatæ, ut supra art. 3. §. 3. ostensum fuit...

Respondeo secundo, negando sequelam Majoris, ad cuius probationem, dicendum est, causas liberæ posse resistere seu dissentire divino decreto, & ejus motioni, potentia antecedenti, & in sensu diviso, non tamen potentia consequenti, & in sensu composto, ita ut de facto conjungatur & componatur actualis resistentiæ seu dissentus, cum divino decreto, ejusque motione...

Ratio autem fundamentalis talis concordie, petitur ex efficacia voluntatis divinæ, que attingit non solum substantiam nostrorum actuum, sed etiam modum libertatis, qui reperitur in illis: ut docet D. Thomas locis supra citatis, præsertim 1. part. q. 10. artic. 8. in corp. & in resp. ad 2. ubi sic habet: Ex hoc quod nihil voluntati divina resistit, sequitur quod non solum sunt ea qua Deus vult fieri, sed quod sunt contingenter vel necessario, quia sic vult fieri Deus: Quæ verba valde notanda sunt, illa enim ad vivum expriment infinitam illam efficaciam divinæ voluntatis, dativam & causativam libertatis, quia est infinite efficax, & quia ei resisti non potest...

